

吳
興
藝
文
補

興興藝文補卷之五十八 目次

凌震

見前

捉虱

九日聞蛤鳴怪之走問農父對曰禾頭貴俯渠鳴
則昂主傷穀遂作勸蛤勿閣閣

望湖岡

盡景

吳廉

見前

尹卽墨有以木偶人誚者賦此

臨終口占

王濟

見前

擬古

文徵明

松雪花鳥圖

次韻孫太初秋夜碧湖汎月之作

夜泊南潯

題仲穆馬圖

徐獻忠

山家月令詩

有序

奉懷射陂朱子

名曰藩

攜孺子泉定居吳興守望

谷使君招同唐一菴游黃龍洞

王寵

望卞山懷劉元瑞

劉司空南坦自呂山遠寄松英藥餌

蔡玘

見前

延平雜詩

張時徹

寄常南菴

鄒守益

武康定性書舍勉諸生二首

吳興公館

唐樞

歸安人

釣竿詞

上留田

白紵舞辭

江南美

飛龍引

袁袞

登飛英寺塔

僦居慈感寺

移居峴山精舍

蘇灣山面碧浪湖其下有田可買頗懷築室之志

苦貧無貲作此解嘲

法華菴寄吳興諸友

吳龍 麟弟

秋社和施南村韻

施侃

宴陸氏莊

登瓜州南樓

歲暮

渡江

菴中寂無一人童子又覓酒未至

屠應峻

贈袁子未之戍湖州三首

未之名袞

送同年唐子鎮削籍還雪川歌

子鎮一庵字

孫濟

歸安人

春社和坦翁韻

湛若水

送蔣中丞石庵考績之京

羅洪先

督撫北川陸公螺川捷音歌代贈

北川名穩歸安人

至平望期唐一菴以赴越不值

送蔣工部尚書致仕歸湖州

唐順之

送白尉往湖州

皇甫汈

詠峴山鐃笛

詠碧浪蘭舟

董太史過吳門見訪

黃省曾

晚泊麻溪望臯亭臨平德清諸山周覽吳王廟官

題白石精舍爲蔡子木

閔如霖

見前

近田爲許二賦

齋居

登樓望太湖次顧箬溪韻

茗南餘思

皇甫濬

送蔡子木使楚二首

赴湖州兩湖蕭方伯先發舟行不及寄懷

期登道場山不果

蔡汝楠

德清人

題峴山濟公房

自題前山草堂

潯陽太史見示擬大閱頌愛而賦之

雪中柬董編修

王母山

烏程

皇覺嶺

獨蒼山

武康

陪龍溪王丈虛谷劉侯遊慈相寺絕句

駱文盛

武康人

禽言二章

笥軒

閒居雜詠四首

王維禎

送駱兩溪病告歸武康三首

用韻贈答海陽太史

薛應旂

朱射陂將赴烏程過訪因出示近作

趙貞吉

兩谿太史宅賞菊

施峻

歸安人

園亭獨坐

過下菰城希舜孫將軍林亭

野老

潦倒

朱曰藩

午月同盧明府及吳興諸公汎碧湖

王慎中

送黃長興尹葵峯

名光昇

題箬溪草堂贈顧中丞

侯景

德清有純孝子稽啓明者少失其父孺幼恒切偶
於故人處得其父一小帖遂潸然若見其父矣
持歸裝卷命曰遺墨以志孝思頃者啓明與予
會于禮部袖出是卷命予識其故予不敢自爲

詩也遂集古一章以詒之

顧雲

嘉禾人寓海

大風

平仲微

題黃鶴山人王叔明畫

畢天祐

吳興人

遊西湖三竺

董穀

題王雨舟玄猿

龐正 疑安人

秋日歸東桑園雄樹堂

釋法聚

次顧箬溪尚書偈

釋方澤

天心書院會唐一菴先生及講學諸友

西天目高峯塔院

白蓮寺訪玉芝禪師不遇二首

贈月亭禪師

釋文湛

雪川道中

韓紹 烏程人敬之父

遊施水菴賞桂

唐守禮 烏程人

陳端瀛 父母政成長句

魯蘭 若父母行水長調

久旱逢雨贈王郡尊守原二首

與白雀寺僧翠岩約遊山中

二月廿八日臨川丈赴峴山新社病不能從詩以
送之

穉邑以鄉飲見推

九月十六日登峴山

雪後奉宴二府呂公

陳筠塘郡尊考最二首

與韓懷愚公過歸雲菴

拜太白山人墓

吳興藝文補卷之五十八

終

吳興藝文補卷之五十八

烏程董斯張遐周彙編

閔元衢康侯叅輯

韓昌箕仲弓增定

捉虱

凌震

我先老妻眠解衣置熏籠老妻爲捉虱畧與捕賊同明
燈集女隸獲多者論功先之以緣督次則殺縫中旁蒐
與與討指殪兼牙攻聲言且湯沐曾使巢穴空我聞雖
不語慙慙無地容彼貴寢狐貂彼富錦繡蒙旬更月必
換日夕沉水烘何緣有胎媒使汝得潛蹤乃我衣垢敝

遂爲汝所官澣濯旣不時煬竈亦何功再思也不然肉
耳汝攸從昔有稽叔夜矯矯其猶龍又有王景略古所
謂英雄伊豈乏富貴汝視如寒窮侵肌啞膚理戢戢攢
銛鋒爬搔未始歇捫撮當王公吾何爲汝諱不汝飢餒
供

九月聞蛤鳴怪之走問農父對曰禾頭貴俯渠鳴
則昂主傷穀遂作勸蛤勿閤閤 凌 震

勸蛤勿閤閤閤木頭昂禾昂穀已死萬姓何所望勤
勸終年且莫道私債官租渾未了一桴二米猶不足十

穗九秬無餓葦農父之言信與不總在汝心宜自考嘗
有客談清瀾池此中青蛙聖得知四明論士休問著其
年三月寒食時一聲一人請識之同是水族彼若茲智
愚果不可少移縱以報越兼報吳利害相直何取哉年
凶或者汝爲災科目夫豈汝能裁如今便須速閉口南
人殺汝亦何有剝皮鑿眼剝腹腸付諸鼎俎如反手汝
若不改檄北客令盡食汝洗汝醜

望湖岡

凌震

太湖之水常欺我浩浩湯湯不盡觀一上岡頭還自笑

等閒桮杓未爲寬

畫景

凌震

楊柳含烟翠帶長
野橋平帖水茫茫
幽人莫謂全無事
作伴看花也自忙

尹卽墨有以水偶人誚者賦此

吳廉

老大粗更事疑非木偶人
不應方寸地時展一分春
祗自懷甘苦憑誰質麝真
歸田何日擬斗粟未全貧

臨終口占

吳廉

草莽荆榛不殫行
山前山後路皆平
牧童短笛橫牛背

自在還家月正明

擬古

王濟

昨日閩中進荔枝君王親受幸龍池
先將並蒂承金盒
密賜修儀盡不知

錦標奪得有誰爭
跪向君王自報名
宣索宮花親自插
連呼萬歲兩三聲

松雪花鳥圖

文徵明

踈篁顫葉風回枯老枝點玉梅花初韶華暗度人未識
幽鳥得氣鳴相呼鳥呼花舞春舒舒
髣髴生意當庭除

青紅歷亂粉墨淪坐久始覺開珍圖印文依稀大雅字
知是王孫吮筆餘王孫玉雪天人如寫生不數江南徐
高齋日暮松雪暗野亭何處鷗波虛百年手跡誰與辨
一笑且看行間書

次韵孫太初秋夜碧湖汎月之作

文徵明

烟歛依依樹鷗飛漠漠田短簫吹夜月高興落江天遠
火搖輕浪跳魚驚過船良辰不易得吾敢卜明年

夜泊南潯

文徵明

春寒漠漠擁重裘燈火南潯夜泊舟風勢北來疑雨至

波光南望接天流百年雲水原無定一笑江湖本浪游
賴是故人同旅宿清樽相對散牢愁

題仲穆馬圖

文徵明

華才情與世疎等閒零落傍江湖不應泛駕終難用
閒看王孫駿馬圖

山家月令詩

有序

徐獻忠

余居九霞山中心無害盈之警業有順時之慶宣承
歲氣以樂其志作月令詩十二首

元景獻年百神受紀余亦何爲齋心靜慮掃除門屏以

納歲氣考視農祥雲物見祉乘其化機土功斯起上豐
來迎無怠其始

土膏發動氣和而煦迎化白天有孚若惠候禽喧鳴卉
甲萌起山深林密悠然靜對撫化無厭緬焉容與益益
纍纍以命農侶

春陽散綠林樾浮清庶草彌繁圃列斯榮乃命巾車佩
服加輕晴陌是遊遷鶯始鳴適彼田農載歡載迎慰寒
及暄惠我好情

暖候舒徐林原茂繁泉聲沸枕時雨成川命犢野際聞

雞樹顛勞耕及耦樹豐于田言采溪毛蔚其芳鮮靜寄
有常安此素年

元陽禪令剛極柔生履道弗違健以順承遭時平康奉
心虛明上德施命下德利貞巽居不惑坦道是憑育物
存存遺世去名

炎暑浮空夏屋斯窄齋心辟俗方病陶寫嗟我農侶汗
浥禾下生計所資非情可假簞杖攜壺言息其左心亦
孔勞燕笑無所

炎燠初平新涼在郊眷我中谷蒙露晨飄乃命佳蔬飾

彼唐均載頻載謾靜對非逢與物欣欣矢心蘭椒條然
羽儀息足平臯

爽氣襲人涼風彌戶沃壤生潤微雨時澍園列再榮蒙
蒙被露旣穰且好惠我未忝良朋日遠息心朝市相望
依然悠悠延企

海水連林霜郊如雨嗟爾黃菊濯秀無侶抱姿潔素挺
節茸茹含靈握貞蕭然靜寄山扉晝寂陶然與語有酒
斟酌把玩不去

山空早寒嚴霜易零深居寡出葆我有生凝齋天和安

詳性靈效法蟄類與道合併餌服甘漿局守黃庭匪僞
群陰濟坤以亨

群陰欲厲杪陽旋萌養其元始若保初嬰閉關禁族篤
慎居興至言不誣道利安貞襲常抱素罷黜將迎大音
希聲鍾呂是憑

歲云殫暮慘慄無輝永夕縣邈深雪霏微元陽隱映靈
律潛迴節令嘉平祀肅伊耆藏祕猶嚴晦默用持下籙
祥運上奉玄機

奉懷射陵朱子

徐獻忠

久別烏程令經秋思轉微林光暮烟發菊氣早寒歸出
縣看山近開衙報客稀還將蕭瑟意遙逐白雲飛

攜孺子果定居吳興守望

徐獻忠

湖上雲山費掃除半生心迹始醜予兵戈轉眼催人老
旅食隨年作計踈鴻寶竟難參洞籙陰符只合護農書
郊垌不作南陽隱行路人猶說草廬

谷使君招同唐一菴遊黃龍洞

徐獻忠

湖濱烟嶂入青溟東望空濛是洞庭蒼兕晝蹲林有跡
毒龍潛伏草還腥磨崖尚有留題字投簡曾聞乞雨靈

不似青蓮丘壑性片言誰定九華名

洞東一石挺立近
滄名爲道人峯洞

上幽巖峒峯

題作白雲巖

望下山懷劉元瑞

王寵

落日賦招隱懷哉劉伯倫下山雲不斷蒼水色相新鸞
鶴諧真賞璫華贈美人樵風吹未穩空隔武林春

劉司空南坦自呂山遠寄松英藥餌王寵

當朝曾捧侍中貂步履星辰上紫霄忽憶故山還拂袖
閒臨流水卧吹簫坦林晝雪團松蓋弁壑春陰長藥苗
寄我遠從丹洞口報君惟有白雲謠

延平雜詩

蔡 玘

淒蟬動客愁落葉滿山樓不趁江東曉空悲楚客秋浮
雲隨去水湛露結高丘借問玄真子煙波幾釣舟

寄韋南荅

張時徹

丘壑棲遲歎索居故人懷抱復何如采芝天目長騎鶴
弄月苕溪獨釣魚鏡裏容顏寧似昔天邊朋舊漸應疎
千年丹藥今成否鴻鴈來時好寄書

武康定性書舍勉諸生二首

鄒守益

斗室有餘寬豈必大廈好活水卽滄江三峯亦蓬島天

標本活潑聞道苦不早勉哉安宅居夙夜勤灑掃
明經欲何爲自昭明德好摘辭勞班楊琢句癡郊島多
岐易眩人回車當及早疇能操點瑟長空浮雲掃

吳興公館

鄒守益

柔藤生竹根依倚叢竹上雨露交滋之支蔓爭豪放見
藤不見竹竹勢日凋喪我來避炎威徙倚增惆悵呼童
斬巨蔓叢竹漸踈暢物理胡反覆人情更萬狀濡筆寄
觀風四牡勤咨訪

釣竿詞

唐 樞

丁亥議獄被譴南歸克相林侍御與偕行林亦赴謫
所夜卧月會通河開中漁舫聯泊露蓬若泣披風橫
歌壯厲耿耿恐林子之以境遷也言念伯常婦歌釣
竿而懷君子不識以規以憐友道主諍能無擇耶

荒浦腥風拂露蓬若爲泣月華伴遊人處處堪居息阿
囂酒不來老漁橈已戢齊聞睡氣舛所愛甜而黑餌芳
不食魚歛胃俟來翼聖人制網罟愚者重失得潢汙勤
小鮮鯨鯢魯可測古有磻溪綸志不在物色倚湍質明
琴以順帝之則

上留田

唐 樞

予有二弟仲子病癰數以語點予而季子且早世孤
情娛娛欲悟無策輒抱通天之痛言咎治長不令緬
惟土僧虔技錄有上留田行崔豹古今注云人有不
字其孤弟隣人爲其弟作悲歌以風之予故托以爲
警

我不字弟弟我嘗我兄不字我復爾上留田父母生我
及我弟弟我不字自我已上留田我先弟後我爲主我
不主之誰則恃上留田父在不專今已死毋愛世來鍾

少子上留田盛衰通塞動有使人情況復難達士上留
田乖諸元繫分連理太舜所以同憂喜上留田

白紵舞辭

唐 樞

悲窮畏命蘊熱含酸輒暢然欲與長風同曳太清不
覺恍在故我漫思不禁解以飄袖言念晉白紵舞曾
有是興不也梁帝屬沈卿歌廣四時鮑子六解含商
咀徵結藻凝華恐落惻時玩物乃解以自規

催花看花人亟來花發花含人試裁新渠縮靄香上臺
有花無人酒在醅酒醅不漉完糟粕花老烟深人廓落

繡城鳥語遊絲牽一朝花謝空相憐空相憐運齟齬傾
黃流舞白紵君不見齊門瑟徒自工磻溪雄塊追遐風
又不見銅雀臺總帳空人生努力豈在西陵中

江南弄

唐 樞

有不知予者致一善謳脩予觴予聲色之遠久矣拒
之甚而主之意未闌也置屏外一曲而去聞者以爲
絕倡試短弄一章酬主人慎氏

香撥飛雲出綺屏六么春軟轉關輕房暉遠對不堪情
江月明人不見數峰青

飛龍引

唐 樞

予少病怯藥餌不能治乃訪方士得維揚張老授臚中之訣知三鍊皆無精氣一道欲與造化參而同之世維孔張不能逆天理爲偷生之計引飛龍以舒望泮耳飛龍篇古求仙作

正訣空三鍊大道孕至神亥魯舛遺錄支離沸傍門配號隱名象繆令造化分坎離豈兩事金木共魂魄所制在刀圭規中潛氤氲三家聚相見一臚住萬紛胎乃藏神府息爲化氣元鉛離庚忒老汞出甲巳焚恍惚無何

有綿綿恒若存藥緣真火具玄牝意中論

登飛英寺塔

袁 袞

浮圖凌泰清豁達涼風生山川鬱相向井邑互縱橫蒼
水天目來隱隱抱孤城旅人何棲棲歲月忽徂傾昔來
尚雨雪今茲已朱明日與二三子遊宴寡所營

僦居慈感寺

袁 袞

孤居城南寺軒館殊清幽連峯窓外列澄湖檻外流群
魚戲藻岸衆鳥鳴桑洲膏雨原野綠東作集前疇閑戶
寡人事玄典日冥搜蕭散娛心意焉用懷苦憂

移居峴山精舍

袁 袞

山寺闕精廬移居性所適寧知賓客稀漸與城市隔岡
巒何秀美蒼翠還日夕夏木密以陰幽鳥來几席開窓
几漁舟湖水清且碧焚香日晏坐適興在篇籍余本迂
散人禪林亦靜僻茲焉遂吾好已矣思屏跡

蘓灣山面碧浪湖其下有田可買頗懷築室之志
苦貧無貲作此解嘲

袁 袞

山田十畝傍湖陰草屋三間對竹林地占清幽宜卜築
天教閒散得登臨葛洪自有移家志陶令能無結社心

已矣謀生真計拙東西南北任浮沉

法華庵寄吳興諸友

袁 袁

昔愛湖山野寺居今依潯水借精廬
陰陰橘柚開虛館密密桑麻遶曲渠
風土漸於鄉國近壺觴無奈故人疎
年來更有文園病媿似虞卿強著書

秋社和施南村韻

吳 龍

背郭人家僻似村亭臺竹樹藹芳園
高秋結社重開徑小艇緣溪直到門
美酒儘教花下飲新詩同向醉林論
更憐水檻臨清泚起傍閑干自洗樽

宴陸氏莊

施侃

惡雨忽云止高雲招可來
農移虹外笠兒跪掌中杯
竹亞鳥雙落歌清漁獨迴
稍聞幽愜處鞋脚卽相催

登瓜州南樓

施侃

金焦壁立原無地吳楚中分獨此門
萬里風濤悲白鳥六朝蹤跡倚黃昏
山光隱見雲邊寺日氣霏微海上村
聞道長安應不遠野人端欲敲江蘼

歲暮

施侃

陰風激人山雪動空村入暮歲事微
飢鳥挾子抱寒樹

廬父牽茅遮壞扉塞北蒲宮何燥燥城東草堂聊依依
青燈照影忽不愜却走出門月滿衣

渡江

施侃

大江一望思無窮岼渺天低上下同吳越平分元氣裏
乾坤往復水聲中晴山幾點凝寒碧古寺千楹明曉空
危立孤舟倍增悵四愁歌罷欲凌風

庵中寂無一人童子又覓酒未至

施侃

數盡歸鴉酒未來佛香伴我信悠哉忽驚門外催聲過
隣父叉魚得雋回

贈袁子永之戍湖州三首

屠應竣

弱齡事篇翰與子諧所歡同芳握蘭茝偶德璵與璠彈
冠入閤門振衣陟華軒皇心苟予顧白首諒無愆風波
起中道行路一何難子行戍故越予留滯幽燕孤雲易
流邁獨波不成瀾艱危各異勢縑綬何由宣贈子別鵠
操報我以孤鸞

之子產南岳倜儻非凡才荆璞夜投入按劍忽相猜禍
患固有期讒言啟之階秋風振林木蒼莽晨光開驪駒
儼在駕執手有餘哀君子敦素節在遠分彌諧小人實

徇華居親志恒乖願保金石軀不以秋草衰

清清徑水流百折猶不溜松栢有本性風雨寧瘁之執
德苟無爽患難非所期得時騁騏驎失意爲龍蛇石室
無銘功名山有藏書子行慎自力吾亦反吾廬

送同年唐子鎮削籍還雪川歌

屠應埈

雪川之水清且閒五湖映帶流其間草堂突兀在何許
九畹有蘭山有芷銅官峯高常坐隅金沙泉落青天孤
熊羆咆吼向空立魑魅窈窕窺人趨君有匣中三尺劒
提携欲獻明光殿 今皇高築黃金臺銅龍雙脚闔闔

開治安要策至尊喜年少今看賈誼才貫城星高隣帝
垣紫芒夜耿層霄寒白雲幽署春日淨空庭古栢雲盤
盤山鬼宵行倚金穴姮娥飛奔入明月五侯七貴多

帝親玉樓椒閣香氤氲殺人誰敢問姓名但見白馬乘
朱纓罷虎桓桓守金闕抗䟽叩閭身首裂誰能天上犯
龍顏君倚赤心干日月天王覽奏意允之左右竊視相
戲吁作書走報梁竇恐百計回天天欲動九重震怒禍
莫測金鼎紅爐燎飛翼宰臣力救天解顏萬里生還偶
然得潞河邊頭飄柳花平江落日明蒹葭山猿夾岸喚

行客妖魚射人吹暮沙三山扞潮江若旋輕舟脫險如
疾箭薰風習習吹香微南雲片片傍魚磯歸時正值荷
花發荷葉翻翻好製衣荷衣夜寒秋露急江行蕭蕭淨
秋色逐臣此時應嘆息人生富貴豈終極丈夫要在能
死職君不見蒲田林尚書一言不合歸故閭又不見四
明楊給事朝侍金門暮田里朝廷不可無直臣法行始
覺天王尊麒麟在山豺虎伏狐兔豈敢窺車轅我歌送
君君鼓缶相看各盡杯中酒君歸且卧白雲間紫詔盤
龍伴賜環

春社和坦翁韻

孫濟

麗日雲霞絢綺羅
春明淑氣散融和
舟隨遠水沿溪岸
觴引飛流出澗阿
吟傍雲林啼鳥近
坐當風榭落花多
抽毫欲擬閒居賦
下里難酬白雪歌

送蔣中丞石菴考績之京

湛若水

愛爾柳塘靜
肩輿月屢經
依稀蔣卿徑
閭寂子雲亭
白日三山迥
青天一鶚征
歷敷中外處
報政幾回成

督撫北川陸公螺川捷音歌代贈

羅洪先

炎瘴四塞嶺海翻
毒塵漲天天欲昏
紅巾秋下玉筍峽

白羽夜過章江門

明聖重瞳見萬里環視南方孰可

使左轄陸公衆所推節鉞登臺承特旨朝來拜表夕啟
行道聞小醜仍縱橫駐師螺渚不旬日笑談兩捷驚飛
聲擒生獲首踰四百壯士轅門受金帛旌旗遙指連壘
空狐鼠宵奔聞無跡噉枚金鼓晝不開玉立行營銳且
文聚米當筵問山谷借箸輟食開風雲煩歆遠謝霜威
勁鬱孤勢壓千峰靜虎頭城下卧熊貔羊角水南絕島
獍憶昔正德逢末年金鍊作難先自虔屠村赭邑官吏
遁老師曠日虛縉錢陽明夫子分節制畧去儀文收智

計關梁漸禁用漸舒芻蕘可從行不泥叅伍得情幽昧
通出沒要害指掌中先發後聞得密請陰操陽縱齊神
功鄉道魯藉龍川猛軍書不出廬陵境老招新民感再
三至今俎豆垂三省事鈞勢格難並論良工苦心能幾
人兵家勝負形無定善賞罰者稱名臣治亂相尋每反
覆轉瞬光陰四十六天如有意生陸公繼登各位同鄉
曲當時公私倉廩豐綱紀如初無異同只今徧野盡荒
穢嬰城飽食誰哀恫孱丁惰卒不素練土目狼兵資利
便犬戎回鶻古有懲得失不償貽後患君子用權貴弭

變丈夫乘時才乃見病愧無能從荷爰濡毫擬作平南傳

至平望期唐一菴以赴越不值

羅洪先

鶯湖望征棹日暮水雲深不見芙蓉佩空嗟蘿薜心蘭亭留素帙鴈宕訪珠林那解沾巾地還操別鶴吟

送蔣工部尚書致仕歸湖州

羅洪先

引年留晚節餘日計天恩已解投竿去何知專席尊港菱應避棹羅雀漸窺門隱几逢南郭方知至道存

送白尉往湖州

唐順之

君家太湖北作吏太湖南驛路鷄鳴近山城樹影含萬
川疏沃野百室競春蠶幸此猶吾土微官也自堪

詠峴山鑊笛

皇甫汈

峴山高兮茗水深陟窈窕兮眺嶇嶇欽朝騁駕兮東麓
兮弭節兮西岑啟玉齒兮坐芳林橫鐵笛兮吹龍吟洪濤
震兮玄雲陰參差管籥難爲音

詠碧浪蘭舟

皇甫汈

桂爲楫兮蘭爲舟揚擢歌兮泛中流滄波興兮碧雲合
佳人不來兮心夷猶溟溟商川待汝濟迢迢天漢從君

遊攬春芳兮屢歌耿秋水兮含愁

董太史過吳門見訪

皇甫汈

予告賦閒居多情訪敝廬交因忘世滅禮覺候門踈酒
伴芳林下琴心茗水餘還叩寧久滯明主待相如

晚泊麻溪望臯亭臨平德清諸山周覽吳王廟宮

黃省曾

落日澹川暉凝霏迥宵色列山秀遐邇重巒恍空迷目
寓一以佳情來詎能抑瑰竒志棲詞茫森想攀適輟櫟
戾麻渚躋野踐桑城土風悅新覽鄉廟佇昏歷雖泯三

開業猶餘千載迹慨昔成此章明鐙詠芳文

題白石精舍爲蔡子木

黃省曾

昔有仙靈者呼之白石生爲年錢務上餐液夏周更世
往山猶在糧餘洞得名中郎稱國彥精館倚巖成桃夾
宜採水芝幽可掇英雲華隨藻筆鬱響答金聲瀝液膏
流滿瓊瑤草樹縈作臺邀少女標宅待方平麟脯行將
饌鸞漿會此傾曹疑秋署皎人並玉堂清知守存聯興
緇磷邈孔情正登紅藥選先有赤松營意緬蘭爲宇詞
芳桂結楹何時攜寶鏡來討五霞城

近田爲許二賦

閔如霖

閒居藝禾黍阡陌傍簷楹自識爲農樂非高避世名隔
橋看婦饁倚杖聽禽鳴微雨過墟里曉看春草生

齋居

閔如霖

晦息清華地寒凝感發時斷雲低列戟新月滿前墀道
勝蓬心寂談深樹影移忽聞霄漢外鐘漏度呆愚

登樓望大湖次顧箬溪韻

閔如霖

寒風送雨爭江州雲靄濛濛濕画樓倚檻湖濤翔振鷺
隔橋沙浦下輕鷗酒旗幾處出林外漁艇分曹還渡頭

到此不禁滄海興玉京何事促春遊

茗南餘思

閔如霖

太守清秋解綬歸長溪青雀驚斜暉可憐甘雨隨君去
却洗沂川舊釣磯

送蔡子木使楚二首

皇甫湜

之子戒將命遠適湘江湄含情眺平野離鴈正南飛
霜臯慘雲蓋沙溆蕩風旗悲心未遽已歲晏方如斯

霜日明修吟雲樹隱曾臺曠望極千里悲風江漢來遙
山度憶合曲浦別尊開曷爲異封壤心思徒悠悠

赴湖州兩湖蕭方伯先發舟行不及寄懷

皇甫湜

所期眇何許
悵望此孤征
畢景揚橈去
空江聞雁聲
村華逢獨挹
雲翼曠誰并
坐永他鄉夕
思君一水盈

期登道場山不果

皇甫湜

悵望丹梯隱
翠微溪林烟
暝鳥歸飛來
經蕙路秋將
盡坐對名山
心自違

題峴山濟公房

蔡汝楠

禪榻澄湖上
山光似鏡中
踈鐘搖落葉
細雨帶秋蟲
峯

竹虛窓映爐香別院通何期碧雲合一酌對休公

自題前山草堂

蔡汝楠

草堂舊結北山阿逋客還家洽薜蘿
遶院松林嵐翠重滿庭蕉葉雨聲多
清樽自對叢花發高枕無如啼鳥何
若道世情堪澹處門前終日俯滄波

潯陽太史見示擬大閱頌愛而賦之 蔡汝楠

玉堂朝罷自委蛇秋日抽毫賦所思
細柳營中臨大駕黃花鎮外警諸夷
六軍猛氣纔能見萬乘英聲正在茲
若比子虛憑獻納定知明主幸同時

雪中東董編脩

蔡汝楠

長安羈客逢殘臘，
壯馬愁來祇自歌。
花發江南鄉信杳，
雪飄苑外暮寒多。
舊斑無復鵷爲侶，
虛館還兼雀可羅。
君是同心最相憶，
一瓢春酒興如何。

王母山

蔡汝楠

王母標崇岡，小山開別島。
相逐樵夫還，紛紛拾瑤草。

皇覺嶺

蔡汝楠

西南攢秀嶺，一山更殊絕。
金仙列上方，舊是休文宅。

獨蒼山

蔡汝楠

山藏太古色曾未鑿一竅自我闢榛蕪始得延清眺

陪龍溪王丈虛谷劉侯遊慈相寺絕句

蔡汝楠

白石清泉是法身山頭海眼幻中真還從一脉通靈竇

轉憶當年卓錫人

右半月泉

尋山出郭道人情靜夜攀依宿化城借問大還君不答

滿山松作老龍聲

右聽松堂

禽言二章

駱文盛

播穀播穀首春力作秋望熟私貸官逋正督促

姑惡姑惡姑不惡姑不汝信讒疑並作汝盡汝心姑心
自樂

筠軒

駱文盛

山人自愛山中棲
蓼簟手植亭東西
濕衣霏霏曉露重
侵帙冉冉秋雲低
林端已看翥鸞鳳
澗底更喜來鳬鷺
平生醫俗應賴此
訪隱何時還杖藜

閒居雜詠四首

駱文盛

霏霏竹露朝滴鬱鬱松陰晝斜閒披草徑蒔菊倦汲山
泉煮茶

黃葉山蹊野徑青松草閣茆菴籬下數叢苜蓿盤中一
殘莖塩

翠樹門前杏藹青山座上盤旋稚子晨炊麥飯道人午
坐蒲團

池邊雨細花落簾外風清日長呼兒採藥蘿徑對客攤
書石牀

送駱兩溪病告歸武康三首

王維楨

挂席下遙潯行行指越林菱歌離族夢鱸膾稱鄉心千
里秋江水孤舟月夜吟和人渾不見霄漢有知音

何處采芝苓松巖與石町一蕪司馬病重注子雲經舍
外湖光白窓中越岫青客來時問字不得卧深扃
君家湖水上余住華山西不爲憐同調何緣惜解攜高
林風葉下遠渚暮雲低望望行舟杳津樓費屨躋

用韻贈荅潯陽太史

王維楨

敢向驊騮爭並驅天衢獨步果難如九重空愧金門詔
雙管真憐太史書歲月鬢毛吾入老斗牛劒氣爾衝墟
故廬西嶽三峰下思跨茅龍上大虛

朱射陂將赴烏程過訪因出示近作 薛應旂

美子河陽去猶煩到草廬徒行辭騎從覓路問樵漁難
盡故交語唯攜新著書淹留烹苜蓿不厭食無魚

兩谿太史宅賞菊

趙貞吉

十月燕山暖黃花猶自開移根來禁苑乘興集仙才曉
色虛堂靜幽香小院迴庭階閑繫馬杯酒共徘徊

園亭獨坐

施峻

園當璉水陽風物自清遠槿墉出葵榴荆扉掛蘿蔓孺
人註蠶經穉子散雞飯更喜隣舍淳買隣蠲百萬

過下菰城希舜孫將軍林亭

施峻

潭抱孤亭碧煙聚萬水青捲簾山鳥下吹笛水龍聽報
主看金甲留賓倒玉瓶夕陽澹容與携興上仙舲

野老

施峻

野老携觴時欵門農談兼得叙寒溫藥欄當午蜂偏亂
釣檻平溪水不渾身隱謾勞名大著齒剛爭得舌長存
秋風落日頻雞黍醉卧康衢長子孫

溪倒

施峻

精廬繚繞入花源心耳幽虛出世喧水鶴候門知客姓
山猿侍席辨人言優遊總是君親賜潦倒深慙天地恩

昨夜春風回萬里起看草色遍平原

午日同盧明府及吳興諸公汎碧湖 朱曰藩

傾城拾採峴山頭避雨競乘輕利舟爭標忽憶楚人語
並檝叨陪謝傳遊中流吟嘯去不止薄暮雷電歸何憂
潭口雙魚瑩如玉醉看新月生汀洲

送黃長興尹葵峯

王慎中

兩年見子開青眼萬里共依帝闕雲剖竹新分鄣子國
携琴遙向越江濱青春黑綬光堪拂落日離歌調忍聞
霅水峴山多勝事風塵愁望正思君

題箬溪草堂贈顧中丞

王慎中

箬溪溪上箬陰繁主人葺箬卜溪源近市荒惟三畝宅
負城幽是一丘焚雨滋蘭蕙看成晚徑長蓬蒿漸塞門
大德如今俱小隱壯懷相對欲何言

德清有純孝子稽啟明者少失其父孺慕恒切偶於
故人處得其父一小帖遂潛然若見其父矣持歸裝
卷命曰遺墨以志孝思頃者啟明與予會於禮部袖
出是卷命予識其故予不敢自爲詩也遂集古一章
以詒之

侯最

短簡當初惠舊遊

黃復初

賢郎拾得勝蒼球

趙青山

冷看落

紙無多字

顧石樓

却惹傷心有許愁

鮮于樞

烟雨墨痕經廿

載

熊以寧

龍蛇筆迹振千秋

金德容

可嘉一點中天孝

陳后山

付與兒孫仔細收

戴石屏

大風

顧雲

萬瓦輕於亂葉飛太虛磅礴無光輝空村豺虎夜深出

山下獨行人未歸

題黃鶴山人王叔明画

平仲微

我昔見之湖上居當門萬朶翠芙蓉承平公子有故態

文敏外孫多異書閒吮彩毫消白日夢騎黃鶴上清虛
此圖定倚吳山閣醉點南屏春雨餘

遊西湖三竺

畢天祐

西風衫袖拂烟霞小轎昇來穩似車三竺山藏金粟影
兩峰天落紫蓮花殘雲落日將軍墓鶴怨猿啼處士家
惟有湖頭春色在紅船烏榜載琵琶

題王雨舟玄猿

董穀

瘦捷知從嶺外分調馴已謝檻中勤黑衣裊裊留虛館
青壁時時夢亂雲橡熟秋來應足食夜寒鶴去若爲群

山人獨甚烟霞癖莫限三聲最愛聞

秋日歸東桑園雄樹堂

龐正

八月關河有所思百年勲業竟何之歸來生計青山在
夢裏流年白髮知學劒備嘗邊塞苦開囊羞檢亂離詩
東園大樹西風急猶記沙塲擐甲時

次顧箬溪尚書偈

釋法聚

直須了法同真際慎勿灰心入斷空看到林花與江草
不知誰解染青紅

天心書院會唐一菴先生及講學諸友

釋方澤

參差樓榭俯通川
章甫聯翩奮起年
伐鼓正逢登七十
曳裾如見擁三千
平田皜皜秋場映
零露漙漙夜氣偏
講席幸分揮麈客
漫將清楚答朱絃

西天日高峰塔院

釋方澤

千丈巖扉不易登
真身長閼最高層
日中乍見馴簷鳥
雲外時逢禮塔僧
行道石邊紛異草
挂衣松上綰長藤
青年卽有棲遲約
白首誰知尚未能

白蓮寺訪玉芝禪師不過二首

釋方澤

福城東畔訪禪翁
報道朝來過別峰
應是尚留言說相
滿庭黃葉舞天風

掀翻海藏弄汪洋
多是天池弟子行
切脚不知誰道著
脫空休道鉢羅娘

時白蓮檢大藏

贈月亭禪師

釋方澤

骨稜稜地眼空人
取性憨癡惹衆嗔
賴有一分僧氣息
死枯藤子活隨身

霅川道中

釋文湛

雀啄離離禾黍鷗眠渺渺汀沙
茆屋烟村幾處落花生花溪

上人家

遊施水菴賞桂

韓紹

偶拈無隱悟微躬
覓得天香一徑通
格是看山乘蠟屐
更須延月傍珠宮
幽尋不借三秋色
自號無名八十翁
回首鵷行思舊侶
庭蘭欣已附芳叢

陳端瀛父母政成長句

唐守禮

澤國有賢侯
人稱古太丘
近民冬日霽
作士飢風颺
文擬相如富
心先范子憂
空明懸一鏡
溫厚襲重裘
問俗勞迂軫
宜人笑刻舟
刑清稀錯愕
訟簡絕呻吟
窮巷雞

豚息平原桑柘稠鶯啼花滿縣麥秀雉鳴疇最蹟升龍
陛徵書下鳳樓賜金知獨厚錫爵諒偏優柅轍從人卧
攀帷何計留江城私國寶廊廟烹天球披拂憐青眼迂
疎自白頭須臾未委壑感慨一登樓薄奏非金石相思
塞海陬

曾蘭若父母行水長謠

唐守禮

茂宰出行河傷心柰爾何村墟浮斷梗原野入洪波頰
餒依沈灶兒寒泣罷梭白連千頃浪青失一耜禾皮骨
供車馬比隣怕鴨鵝無田棲鳥雀有窟長龍鼃宅跳紅

頭鯉堂生綠帶莪盡拚衣去典安得穗來搓地覆空千
樹蠶成棄五紵誰能通賑卹况復重徵科赤縣無春杵
潢池或弄戈謀生力易殫樂死意何多父母如天地驅
除脫網羅願將江渚淚化作海山謠

久旱逢雨贈王郡尊守原二首

唐守禮

一雨愁如滌三農望不虛仁飈初拂宇甘澍卽隨車灌
漑寧知力煩苛想盡除二天欣永托輿從協樵漁
赤日正騰凌玄雲忽以升神濤聲欲折靈瀨勢如崩齊
板方伊始精虔已足憑四郊俄頃洽耿井亦笑稱

與白雀寺僧翠岩約遊山中

唐守禮

何年白雀飛來寺此日黃龍得勝攀大士因緣興廢裡

宰官功德畫圖間

寺爲陸司寇所創

追隨野鹿留丹壑指點山

靈護翠岩

寺僧欲求余文紀石

不向化城貪佛日松風蘿月自怡

閒

二月廿八日臨川丈赴峴山新社病不能從詩以

送之

唐守禮

群公修禊軼前賢忽漫湖山啓勝緣四海襟期羞偶及
一時文物其鮮妍汀花掩映飛觴迥沙鳥廻翔畫嶺神

老病無能供執爵祇應長憶鄭藍田

郡邑以鄉飲見推

唐守禮

慙愧顛毛可杖鄉祇將衰颯貴林塘
丁年應負登賢數
玄景空傳養老方
十月新芻携酒伴
三江鱸鯉托漁郎
自憐衡泌堪逃世
羽翼何煩更頡頏

九月十六日登峴山

唐守禮

生平丘壑最清飈
秋杪禪林一共叅
江郭况逢新糯熟
海鷗寧許舊盟寒
沙汀水落蒹葭淨
石殿雲空木葉酣
無限風前懷古意
夕陽猶拊斷碑看

雪後奉宴二府呂公

唐守禮

江南肆瑞天花集溪上文尊使節來淑氣暗隨鵲鵲觀
窮裾剛接鳳凰臺

時沈鏡老以陪都光祿卿在座

登臨共訝扶輿濶談

笑能令渾沌開未許繁華矜色相春光先付隴頭梅

陳筠塘郡尊考最二首

唐守禮

郡標危壓白蘋洲撫字今看古太丘萬斛陽春人似玉
孤寒鵬鶚劍橫秋雲中鳳闕金甌覆海上熊幡紫氣流
會見洪崖登衽席玄圭併與賜金投

一自翠帷雨露均虎河胥渡維維馴共與六尺令黃頭

罽鳥三年古寇恟更羨風流歸草聖復占星聚動楓旌
自天錫爵兼風紀肅肅霜臺紫綬新

與韓懷愚公過歸雲菴

唐守禮

百千萬劫佛乃出七十一年我始來拂拭巖局留歲月
白雲蒼樹揔徘徊

拜太白山人墓

唐守禮

曾于觴咏企高名指點荒原拜石坪多少楸梧覆翁仲
路人唯解問先生

吳興藝文補卷五十八終